

第八冊

卅府元龜

中華書局影印

冊府元龜第八冊目錄

學校部

卷五九七	總序	七一五七
	選任	七一六〇
	世業	七一六八
卷五九八	教授	七一七四
卷五九九	侍講	七一九〇
	講論	七一九七
卷六〇〇	師道	七二〇四
卷六〇一	辯博	七二一三
	恩獎	七二一八
卷六〇二	奏議一	七二二四
卷六〇三	奏議二	七二三五
卷六〇四	奏議三	七二四五
卷六〇五	註釋一	七二五八
卷六〇六	註釋二	七二七〇
卷六〇七	撰集	七二七九
卷六〇八	小學	七二九〇
	目錄	七二九六
	刊校	七二九八
	讎娛	七三〇六

刑法部

卷六〇九	總序	七三〇九
	定律令一	七三一二
卷六一〇	定律令二	七三二二
卷六一一	定律令三	七三三二
卷六一二	定律令四	七三四二
卷六一三	定律令五	七三五四
卷六一四	議讞一	七三六七
卷六一五	議讞二	七三八三
卷六一六	議讞三	七四〇〇
卷六一七	守法	七四一三
	正直	七四二一
卷六一八	平允	七四二四
	平反	七四三一
卷六一九	案鞠	七四三四
	深文	七四三九
	枉濫	七四四一
卿監部		
卷六二〇	總序	七四四五
	選任	七四五六
	舉職	七四五八
	恩獎	七四六三

卷六二一	司宗	七四六七
	司賓	七四七二
	監牧	七四七六
卷六二二	德望	七四八四
	忠節	七四八六
	清儉	七四九〇
卷六二三	公正	七四九二
	論薦	七四九八
卷六二四	智識	七五〇三
卷六二五	邪佞	七五一二
	貪冒	七五一四
	廢黜	七五一五
環衛部		
卷六二六	總序	七五一八
	選任	七五二〇
	舉職	七五二二
	寵異	七五二四
卷六二七	忠節	七五二七
	剛正	七五三一
	謹慎	七五三三
卷六二八	姦佞	七五三四
	遷黜	七五三五
銓選部		
	虐害	七五三七
卷六二九	總序	七五三八
	條制一	七五四〇
卷六三〇	條制二	七五五〇
卷六三一	條制三	七五六二
卷六三二	條制四	七五七五
卷六三三	條制五	七五八六
卷六三四	條制六	七六〇〇
卷六三五	考課一	七六一一
卷六三六	考課二	七六二六
卷六三七	公望	七六三九
	平直	七六四二
	振舉	七六四七
卷六三八	不稱	七六五一
	謬濫	七六五三
	貪賄	七六五七
貢舉部		
卷六三九	總序	七六六〇
	條制一	七六六三
卷六四〇	條制二	七六七三
卷六四一	條制三	七六八三

卷六四二	條制四	七六九四	卷六五六	立功	七八五〇
卷六四三	考試一	七七〇五		招撫	七八五九
卷六四四	考試二	七七一三	卷六五七	機變	七八六五
卷六四五	科目	七七二三	卷六五八	才學	七八七五
卷六四六	對策一	七七三五		論薦	七八七八
卷六四七	對策二	七七四九		舉劾	七八八一
卷六四八	對策三	七七六二	卷六五九	敏辯一	七八八四
卷六四九	對策四	七七七四	卷六六〇	敏辯二	七八九四
卷六五〇	應舉	七七八六	卷六六一	守節	七九〇三
卷六五一	清正	七七九九	卷六六二	便宜	七九一六
	謬濫	七八〇一		請行	七九二〇
奉使部				絕域	七九二三
卷六五二	總序	七八〇五	卷六六三	羈留	七九二九
	達王命	七八〇六		死事	七九三八
	宣國威	七八一二	卷六六四	失指	七九四二
卷六五三	稱旨	七八一七		辱命	七九四四
卷六五四	恩獎	七八二九		挫辱	七九四六
	名望	七八三五		專恣	七九四八
	廉慎	七八三七		受賂	七九五二
	知禮	七八三八	內臣部		
卷六五五	智識	七八四一	卷六六五	總序	七九五二
	謀略	七八四八		恩寵	七九五七

卷六六六	賢行	七九六八
	薦賢	七九七〇
	忠直	七九七一
	才識	七九七五
卷六六七	將兵	七九七六
	監軍	七九七九
	立功	七九八〇
	幹事	七九八二
卷六六八	翊佐	七九八四
	規諫	七九八七
卷六六九	朋黨	七九九一
	恣橫	七九九三
	譴責	七九九七
	貪貨	七九九九
卷六七〇	誣構	八〇〇一

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

學校部

總序

古者家有塾黨有庠術有序國有學然則有虞氏之

又云夏曰

米廩夏后氏之序商之瞽宗周之類官皆學也

故樂正崇四術立四教順先王詩書禮樂

以造士王太子王子辟后之太子卿大夫元士之適

冊府元龜

學校部

總序

卷之五百九十七

子國之僞選皆造焉周官小司徒之職師氏掌以三

德三行教國子保氏掌養國子以道乃教之六藝又

春官大司樂掌成均之法以治建國之學政而合國

之子弟大胥掌學士之板以待致諸子小胥掌學士

之徵令而比之太師教以六詩六德六律籥師掌教

國子舞羽敔籥皆其事也秦置博士掌通今古漢興

武帝初置五經博士掌教弟子國有疑事掌教問對

本四百石升比六百石初文帝欲廣遊學之路論語

孝經孟子爾雅皆置博士至是遂罷傳記博士平帝

元始中立學官郡國曰學縣道邑侯國曰校較學置

經師一人卿曰庠聚曰序序庠置孝經師一人後漢

光武愛好經術立五經博士凡有一十四人太常差

次總領焉取聰明有威重者一人爲祭酒秩六百石

建武五年乃脩起大學稽式古典中元元年初建三

雍宮

明堂辟雍

至明帝親行其禮靈帝光和初置鴻

都門學魏文帝黃初中立大學置春秋穀梁博士晉

承魏制置博士十九人武帝咸寧四年初立國子學

以教生徒而隸屬大學定置國子祭酒博士各一人

助教十五人以教生徒博士皆取履行請淳通明典

義者若散騎常侍中書侍郎太子中庶子以上皆得

冊府元龜

學校部

總序

卷之五百九十七

召試元帝初減國子祭酒博士助教爲九人大興中

又置周易儀禮公羊博士末年增國子儀禮春秋公

羊博士各一人合爲十一人後又增爲十六人不復

分掌五經而謂之大學博士秩六百石孝武太元中

損國子助教爲十員宋國子祭酒若不置學則助教

唯置一人明帝泰始中以國學初置總明觀真儒文

史四科科置學士各十人正合史一人書令史二人

幹一人門吏一人典觀吏二人齊高帝建元中有司

奏置國學祭酒准諸曹尚書博士准中書郎助教准

南臺御史選經學爲先居其人難備給事中以還明

經者以本位領其下典學二人三品准太常主簿戶曹各二人五品白簿治禮吏八人六品得學醫威儀各二人其夏廢學有司奏省助教以下又有聰明觀祭酒一人掌治五禮大始六年以國學廢初置永明三年國學建遂省梁國子祭酒人班第十三比列曹尚書又置國子博士二人爲九班助教班第二又置大學博士八人班第三又置五經博士各一人陳國子祭酒秩中二千石品第三博士品第四秩千石國子助教大學博士並品第八秩六百石律學博士秩品亦同後魏道武始建都邑便以經術爲先立大學

冊府元龜

學校部

卷之五百九十七

三

置五經博士大武又別起大學於城東獻祖又立郡學置博士二人助教二人後詔大郡立博士二人助教四人次郡立博士助教各二人中郡立博士一人助教二人下郡立博士助教各一人孝文改中書學爲國子學建明堂辟雍及遷都雒邑又立國子大學四門學宣武又詔營國學林小學於四門國子祭酒本第四品上後增爲從三品國子博士從第五品上後增爲第五品國子助教五人從七品大學博士第六品後降爲第七品大學助教第八品中四門博士第九品律博士第六品中後降爲第九品上比齊國

子寺掌訓教胄子祭酒一人從三品又置工曹五官主簿錄事等員博士五人品第五助教十人大學博士十人從第七品助教二十人從第九品四門博士二十人正九品上亦有助教二十人後周依周禮建六官之職春官太學博士下大夫四命助教及小學博士上士三命皆國子監之屬官也祭酒無聞焉武帝又立露門學隋國子寺開皇中隸太常祭酒一人屬官有功曹主簿錄事各一人統國子大學書算學各置博士國子大學四門各五人書算各二人助教國子大學四門各五人書算各二人仁壽初罷國子

冊府元龜

學校部

卷之五百九十七

四

唯置大學煬帝改太學爲國子監初置司業一人丞三人唐置國子監祭酒司業之職掌邦國儒學訓導之政祭酒一人司業二人屬官有丞主簿錄事府史亭長掌固等員國子博士二人掌教文武官三品以上及國公子孫從二品以上曾孫之爲生者屬官有助教學生典學廟幹掌固等員大學四門亦然大學博士三人掌教文武五品以上及郡縣公子孫從三品曾孫之爲生者四門博士三人掌教文武七品以上及侯伯子男之爲生者若庶人子爲儒士生者國子直講四人掌佐博士助教之職專以經術講授而

已律學博士一人掌教文武官八品以上及庶人子之爲生者以律令爲專業格式法例所兼習之屬官有助教學生典學書學生等員書學算學亦然書學算學各博士二人並掌教文武官八品以下庶人子之爲生者以書算自武德初以國子學隸太常寺又省國子司業及丞貞觀初改國子寺爲監六年復置國子司業一人龍朔二年改國子監爲司成館祭酒爲大司成司業爲少司成博士爲司成宣業又於東郡置國子監其學生於兩京教授咸亨初年改司成館復爲國子監大司成復爲祭酒少司成復爲司業

冊府元龜

學教部

卷之五百九十七

五

本一員至太極初年加一員光宅初改國子監爲成均監祭酒爲成均祭酒長安四年國子監始置直講馬神龍初改成均監復爲國子監成均復爲祭酒天寶九年置廣文館領國子監進士業者博士助教各一人五代因之教化之本學較爲先振古以來歷代而下莫不慎擇能者以居其任業專所以世守師嚴然後道尊馳辨彰乎治開抗議明乎適變考論章句則折理惟精刊定闕疑則伏膺罔倦因祖述而綴舊學次甲乙而總郡綱小道可觀靡不覃究用被國獎實耀儒林若乃自負好勝爭名忌前亦著於篇以示

後艾凡學較十有五門

選任

世業

選任

自漢承秦弊宗尚經術求稽古之士重學官之選歷代而下雖廢置或異而授受之際未嘗輕焉觀其延登鴻碩優隆體貌崇其位著厚其祿廩豈徒冗大官之食重高門之地而已亦將以發揮典籍申明治具顧有益於風教耳非夫大雅宏達博聞彊識究先王之法言蘊專門之素業式可莫二籍甚有聞卽何以稱法師之望恢教授之業敷暢先儒之微旨誘掖方

冊府元龜

學教部

卷之五百九十七

六

來之儒士以丹青帝載而化民成俗者哉

漢叔孫通薛人秦時以文學待詔博士

張生濟南人受尚書於伏生文帝時爲博士

賈誼雒陽人河南守吳公爲廷尉誼言誼年少頗通

諸家之書文帝詔以爲博士

韓嬰燕人擅詩人之意而作外傳數萬言文帝時爲

博士

孫商至武帝亦爲博士

董仲舒廣川人以治春秋景帝時爲博士進退容止

非禮不行學士皆師道之

胡毋生字子都齊人治公羊春秋爲景帝博士與董

仲舒同業

轅固生齊人以治詩景帝時爲博士

食子公河南人受韓生詩於同郡蔡誼昭帝時爲博

士

長孫順淄川人受韓詩於昌邑王中尉王吉爲博士

韋賢字長儒魯國鄒人篤志於學兼通禮尚書時人

號稱鄒魯大儒徵爲博士

嚴彭祖字公子東海下邳人與顏安樂俱事睦孟孟

弟子百餘人唯彭祖安樂爲名繇是公羊春秋有嚴

頗之學彭祖爲宣帝博士

冊府元龜

學教部
選任

卷之五百九十七

七

施讎字長卿沛人爲童子從田王孫受易王孫爲博

士後從卒業宣帝時少府梁丘賀薦讎結髮事師數

十年

從結髮爲童子即
從師學著其早也

賀不能及詔拜讎爲博士

江公瑕丘人受穀梁春秋及詩於魯申公傳子至孫

宣帝時沛人蔡千秋能說穀梁爲郎中戶將綰會千

秋病死徵江公孫爲博士劉向以故諫大夫通達待

詔受穀梁欲令助之

周慶丁桃二人

姓名也

宣帝時待詔保官

少府屬官也

詔五

經名儒太子太傅蕭望之等大議殿中平公羊穀梁

同異慶姚皆爲博士

王式字思翁東平新桃人受詩於免中徐公及許公

式爲昌邑王師昌邑廢式得減死歸家後東平唐長

賓沛緒少孫應博士弟子選詣博士軀衣登堂頌禮

甚嚴

軀衣謂以手內
舉令離地也

諸博士驚問何師對曰事式皆

素聞其賢共薦之詔除下爲博士

下除官之詔也

張素安字幼君山陽人與唐長賓緒少孫事王式皆

爲博士繇是魯詩有張唐緒氏之學長安門人陳劉

許晏亦爲博士

殷嘉東海人姚早河東人乘孔

乘姓也音
食翰切

河南人受

易於京房成帝時皆爲博士繇是易有京氏之學

冊府元龜

學教部
選任

卷之五百九十七

八

士孫張字仲方早陵人受易於五鹿充宗爲博士

孟嘉字長卿東海蘭陵人善爲禮春秋授后蒼疏廣

世所傳后氏禮疏氏春秋皆出孟嘉嘉後舉孝廉爲

郎曲臺署長

曲臺殿名署
者主供其事

歐陽生字伯和干乘人受伏生尚書爲博士其子世

世相傳至曾孫高子陽爲博士高孫地餘長賓以太

子中庶子授太子後爲博士論石渠

林尊字長賓濟南人事歐陽高爲博士論石渠

周堪字少卿齊人與孔霸俱事大夏侯勝霸爲博士

堪議官令論於石渠經爲最高

張山拊字長賓平陵人事少夏侯建爲博士論石渠
后蒼字近君東海鄉人事夏侯始昌始昌通五經蒼
亦通詩禮爲博士

後漢牟長字君高樂安臨濟人少習歐陽尚書不仕
王莽世光武建武初大司空宋弘特辟拜博士

汪丹注音主南陽育陽人也世傳孟氏易學義研深易

家宗之稱爲大儒建武初爲博士

丁恭字子然山陽東緡人東緡今兗州吟鄉縣習公羊嚴氏春

秋恭學義精明教授官數百人州郡請召不應建武
初爲博士

冊府元龜學教部選任卷之五百九十七

九

高詡字季圓平原般人世傳魯詩建武初爲符離長
去官後徵爲博士

李封魏郡人建武初鄭興陳元傳春秋左氏學時尚
書令韓歆上疏欲爲左氏立博士范升與歆爭之未
決陳元上書訟左氏遂以封爲左氏博士

張興字君上潁川鄆陵人習梁丘易建武中辟司徒
馮勤府舉孝廉爲博士

張玄字君夏河內河陽人少習春秋顏氏兼通數家
建武中舉孝廉爲郎會顏氏博士缺玄試策第一拜
爲博士

戴憑字次仲汝南平輿人習京氏易年十六郡舉明
經徵博士

伏恭字叔宥瑯琊東武人明齊詩建武中爲刺令青
州舉爲尤異太常試經第一拜博士

甄宇字長文北海安丘人習嚴氏春秋教授官數百
人建武中爲州從事徵拜博士

桓榮爲議郎會歐陽尚書博士缺光武欲用榮叩頭
讓曰臣經術淺薄不如同門生郎中彭閎楊州從事

畢弘帝曰俞往汝諾

周澤字稚都北海安丘人少事公羊嚴氏春秋建武

冊府元龜學教部選任卷之五百九十七

十

末辟大司馬府署議曹祭酒數月徵試博士

董均字文伯犍爲資州人習慶氏禮建武中舉孝廉
辟司徒均博通古今數言政事明帝永平初爲博士
魏應字君伯任城人少好學詣博士受業習魯詩明
帝永平初爲博士

李育字元春扶風漆人也漆縣今幽州安平少習公羊春秋

沉思專精博覽詩傳知名大學章帝建武元年衛尉
馬廖舉育方正爲議郎後拜博士詔與諸儒論五經
於白虎觀

楊倫字仲理陳留東緡人習古文尚書和帝元初中

郡禮請三府竝辟公車徵皆辭疾不就後特徵博士周防字偉公汝南汝陽人師事徐州刺史蓋預受古文尚書經明舉孝廉拜郎中撰尚書雜記四十萬言安帝初太尉張禹薦補博士

魏耶鄆淳一名竺字子叔博學有文章文帝初爲五官將博延英儒亦宿聞淳名因啓淳欲使在文學官屬中會臨淄侯植亦求淳太祖遣詣植及文帝卽位以淳爲博士

燕林字孝友陳留人博學多通古今字戰漢末爲五官將文學甚見禮待黃初中爲博士帝作典論所稱

冊府元龜

學校部

選任

卷之五百九十七

燕林是也

蜀來敏字敬達義陽新野人涉獵書籍善左氏春秋漢末入蜀嘗爲劉璋賓客先主定益州署敏典學校尉

許慈字仁篤南陽人師事劉熙善鄭氏學治易尚書三禮毛詩論語漢末自交州入蜀時魏郡胡潛亦在益士先主定蜀承喪亂歷紀學業衰廢乃鳩合典籍沙汰衆學慈潛竝爲博士

尹默字思潛梓潼涪人通諸經史又專精於左氏春秋先主定益州顧牧以爲勸學從事子宗傳其業爲

博士

晉曹志字允恭魏陳思王植之子少好學以才行稱武帝時歷樂平章武趙郡太守咸寧初詔曰甄城公曹志篤行素履達學通識宜在儒林以弘肖子之教其以志爲散騎嘗侍國子博士後遷祭酒

杜夷字行齊廬江潯人博覽經籍百家之書靡不畢究元帝爲丞相教曰今大義類纂禮典無宗朝廷滯義莫能攸正宜特立儒林祭酒官以弘其事處士杜夷棲情遺遠確然絕俗才學精博道行優備其以夷爲祭酒夷辭疾未就又除國子祭酒

冊府元龜

學校部

選任

卷之五百九十七

謝沉字行思博學多識明練經史康帝卽位朝議七廟迭毀乃以大學博士徵以質疑滯

范弘之字長文安北將軍汪之孫雅正好學以儒術該明孝武時爲大學博士

宋徐廣字野民好學尤精百家數術無不研覽初仕晉孝武帝以廣博學除爲秘書郎較書秘閣增置職僚轉員外散騎嘗侍郎領較書如故

江湛字微深文帝元嘉末爲左衛將軍時改選學職以太尉江夏王義恭領國子祭酒湛領侍中何敞之領博士

南齊王儉初仕宋爲秘書丞初孝武好文章天下采以文采相尚莫以專經爲業儉弱年便留心三禮尤善春秋明帝泰始六年置總明觀於儉宅開學士館以總明四部書充之又詔儉以家爲府及武帝永明三年以丹陽尹領國子祭酒儉子陳陳子承其後皆爲祭酒

張緒字思曼長於周易言精理與見宗一時高帝建元末初立國子學以緒爲太常卿領國子祭酒武帝時累遷太子詹事永明七年竟陵王子良爲司徒領國子祭酒帝敕王晏曰吾欲令司徒辭祭酒以授張

冊府元龜

學較部
選任

卷之五百九十七

十三

緒物議以爲如何子良竟不拜以緒領國子祭酒

梁孔休源字慶緒齊末舉秀才爲竟陵王西邸學士

梁臺建典劉之遴同爲大學博士當時以爲美選

伏暄字玄曜臨海太守曼客之子幼傳父業仕齊爲

郵令高祖天監初兼五經博士與吏部尚書徐勉中

書侍郎周捨總知五禮事出爲永陽內史復徵爲國

子博士復爲豫章內史徵拜黃門侍郎領國子博士

嚴植之字孝源少精解喪服孝經論語及長通治鄭

氏禮周易毛詩左氏春秋天監二年判後車騎兵參

軍事四年初置五經博士各開館教授以植之兼五

經博士六年遷中撫軍記室參軍猶兼博士

賀瑒字德璉舉明經楊州祭酒俄兼國子助教大學

博士天監四年初開五館以瑒兼五經博士

明山賓爲治書侍御史右軍記室參軍掌治吉禮時

初置五經博士山賓首應其選後以東官新出學又

以山賓居之俄以本官兼國子祭酒

崔靈恩清河武城人通五經尤精禮傳初仕後魏

爲太常博士天監十三年歸國高祖重其儒術累遷

步兵校尉兼國子博士後爲長沙內史遷除國子博

士

冊府元龜

學較部
選任

卷之五百九十七

十四

盧廣范陽涿人少明經有儒術元監中歸國拜國子

博士遍講五經尋遷員外散騎常侍博士如故

泥峻字士嵩吳興武康人好學通遊講誦遂傳通五

經尤長三禮初爲王國中尉稍遷侍郎並兼國子助

教僕射徐勉奏峻兼五經博士於館講授後爲華容

令遷除員外散騎侍郎復兼五經博士

孔僉會稽山陰人通五經尤明三禮孝經論語講說

並數十徧歷官國子助教三爲五經博士太清亂卒

於家僉子叔玄頗涉文學官至大學博士

陳沈文阿字國衛父峻以文學名於梁氏文阿少習

父業研精章句察孝廉爲梁臨川王國侍郎累兼國子助教五經博士文帝時遷通直散騎常侍兼國子博士

鄭均字茂昭東陽人仕梁爲西省義學士孝元承聖中除通直散騎侍郎兼國子博士高祖世祖之世累遷中散大夫兼國子博士

沈德威字懷遠梁末避於天目山篤學無倦遂治經業文帝天嘉初授大學博士轉國子監助教每自學還私家講授尋遷太常丞兼五禮學博士

顧越字思南諡毛詩旁通與義尤善持論梁末補五冊府元龜學教部選任卷之五百九十七十五

經博士敬帝紹泰元年遷國子博士文帝以越篤學厚遇之除給事黃門侍郎又領國子博士

後魏梁越字玄覽博綜經傳無所不通國初以爲禮經博士道武以其謹厚舉動可則拜上大夫命授諸皇子經

李訢爲中書學生聰敏機辨疆記明察初李靈爲文成博士諮議崔浩選中書學生器業優者爲助教浩舉其弟籍子與盧度世李敷三人應之給事高謙子祐尚書段霸兒姪等以爲浩阿其親戚言於恭宗以浩爲不平聞之於太武太武意在於訢曰云何不取

幽州刺史李崇老翁兒也浩世日前亦言訢合選但以其先行在外故不取之太武曰可待訢還籍子等罷之訢爲太武所識如此遂除中書助教博士

張偉字仲業學通諸經太武時與高允俱被辟命拜中書博士

索敞字巨振燉煌人爲劉昞助教專心經籍盡能傳昞之業涼州平入國以儒學見拔爲中書助教博士平嘗字繼叔研綜經籍安貧樂道不以屢空改操後爲中書博士

穆弼涉獵經史孝文初定氏族欲以弼爲國子助教冊府元龜學教部選任卷之五百九十七十六

弼辭曰先臣以來蒙恩累世比較徒流實用慙屈孝文曰朕欲教厲胄子故屈卿光之白玉投泥豈能相汚弼曰旣遇明時雖沉泥滓

祖塋范陽人爲中書學生孝文召入令誦五經章句竝陳大義帝嗟賞之塋出後孝文戲盧景曰昔流共工於幽州北裔之地那得忽有此子景對曰當是才爲世生以才名拜大學博士

劉芳爲通直常侍孝文詔以芳經學精洽起遷國子祭酒

董微字文發頓丘衛人從博陵劉獻之徧受諸經數

年之中大義精練講授生徒大始末爲四門小學博士

崔景儁梗正有高風好古博涉以經明行修徵拜中書博士

北齊李鉉字寶鼎渤海南皮人撰定孝經論語毛詩

三禮義疏及三傳異同周易義例東魏末舉秀才除

太子博士文宣天保初詔鉉與殿中尚書邢邵中書

令魏收等參知禮律仍兼國子博士時詔北平太守

景業西河太守恭母懷文等草定新廟錄尚書平原

王高隆之令鉉與通直嘗侍房昶祐國子博士刁柔

冊府元龜學較部卷之三百九十七十七

參考得失尋正國子博士

刁柔字子溫渤海人綜習經史尤留心禮儀高祖令

教授諸子文宣天保初除國子祭酒博士

張買奴平原人經義該博諸儒咸推重之歷大學博

士

邢峙字士峻河南鄭人通三禮左氏春秋天保初拜

舉孝廉授四門博士遷國子助教又拜國子博士

張雕中山北平人徧通五經尤明三傳廢帝乾明初

除國子博士琅瑯王嚴求博士精儒有司以雕應選

時號得人累遷國子祭酒

馬敬德河間人少好儒術留意於春秋左氏舉秀才中第乃請試經業問十條並通擢授國子助教遷太學博士後主天統初除國子博士武平初拜國子祭酒

孫靈暉長樂武彊人舉秀才射策高第後以儒術甄

明擢授太學博士累遷潼關太守天統中勅令朝臣

推舉可爲南陽王綽師者吏部尚書尉瑾表薦之徵

爲國子博士授南陽王經

劉軌思渤海人說詩甚精天統中任國子博士

鮑秀詳渤海人甚明禮兼通左氏春秋諸儒稱之天

冊府元龜學較部卷之五百九十七十八

統中爲太學博士

張思伯河間樂城人善說左氏亦治毛詩章句以二

經教齊安王廩武平初拜國子博士

後周沈重字德厚吳興武康人專心儒術博覽群書

尤明詩禮及左氏春秋初仕梁高祖高祖置學官以

崇儒教中大通四年乃革選以重補國子助教大同

二年除五經博士

盧誕仕西魏爲散騎嘗侍太祖以誕儒宗學府爲當

世所推乃拜國子祭酒

薛慎爲太祖丞相府墨曹參軍太祖於行臺外置學

取丞郎及府佐德行明敏者充生悉令日理公務脫就講習先大經後子史又於諸生中簡德行純懿者侍讀書慎與隴西李伯良辛韶武功蘇衡譙郡夏侯裕安定梁曠梁禮河東裴舉薛同榮陽鄭朝等十二人竝應其選又以慎爲學師以知儒生課業

樊深字文深講習五經晝夜不倦太祖置學於東館教諸將子弟以深經學通瞻儒者推其博物後除國子博士六官見拜太學助教遷博士

蕭撝字智遐博觀經史雅好屬文武帝時爲上州刺史及入朝屢置露門學士帝以撝與唐瑾元偉王褒等四人俱爲太學博士

冊府元龜學校部選任卷之五百九十七十九

熊安生字植之博通五經專以三禮教授比齊河清中穆休之奏爲國子博士武帝入鄴令隨駕入朝至京勅令於大業佛寺兼議五禮宣政元年拜露門博士下大夫

樂遜字遜賢西魏廢帝二年太祖召遜教授諸子講孝經論語毛詩及服虔所注春秋左氏傳授大學助教閔帝元年治太學博士轉治小師氏下大夫宣帝大象中又爲露門博士

隋房暉遠字崇儒嘗山真定人治三禮春秋三傳詩

書周易嘗以教授爲務北齊南陽王綽爲定州刺史聞其名召爲博士周武帝平齊搜訪儒俊暉遠首應辟命授小學下士及高祖受禪太嘗卿牛弘每稱爲五經庫吏部尚書事世康薦之遷太學博士後爲國子博士

王頌初仕後周武帝引爲露門學士每有議決多頌所爲高祖開皇初授著作佐郎於國子講授會高祖親臨什奠祭酒元善講孝經頌與相論難詞義鋒起善往往見屈高祖大奇之超授國子博士

馬光字季伯武安人尤明三禮爲儒者所宗開皇初冊府元龜學校部選任卷之五百九十七二十

高祖徵山東義學之士光與張仲讓孔範竇世榮張里奴劉祖仁等俱至竝授太學博士時人號爲六儒褚輝字高明吳郡人以三禮學稱於江南煬帝時徵天下儒術之士悉集內史省相次講論輝博辯無能屈者於是擢爲太學博士

唐徐文遠雒州偃師人博覽五經尤精左傳隋開皇中累遷太學博士大業初擢授國子博士時人稱文遠之左氏爲一時之最

陸德明蕪州人陳宣帝大建中大徵四方名儒講于承光殿德明年弱冠往預焉後帝禪明中爲國子助

教煬帝嗣位以爲秘書學士大業中廣召明經之士四方至者甚衆遺德昭與魯達孔褒俱會門下省共相駁難無出其右者授爲國子助教高祖武德中補太學博士太宗貞觀中拜國子博士

孔穎達字仲達冀州衡水人隋大業初舉明經高第授河南郡博士煬帝徵諸郡儒官卽遷東都令國子秘書學士與之論難穎達爲最補太學助教太宗在藩引爲秦府文學館學士及卽位擢授國子博士貞觀六年累除國子司業歲餘遷太子右庶子仍兼國子司業與諸儒議曆及明堂皆從穎達之說十二年

冊府元龜學教部 選任 卷之五百九十七 二十一

拜國子祭酒

司馬才章魏州貴鄉人父烜博涉五經善緯候才章少傳其業隋末爲郡博士貞觀初太宗謂侍臣曰隋末學者凋喪儒教凌遲唯陸德明徐文遠爲儒玄奘與二三年間相次歿歿豈有後進之士經業優洽而未深用者乎因徵才章及王琰王恭俱拜爲博士才章爲國子助教王恭爲太學博士

蓋文懿貝州宗城人武德初爲國子助教時高祖別於秘書省置學教授王公之子以文懿爲博士貞觀中除國子博士

許叔牙少精于毛詩禮記尤善詠詠貞觀初累授晉大學學兼侍王讀書字遷太子洗馬兼崇賢館學士仍兼侍讀

馬嘉運繁水人專精儒業貞觀十一年召拜太學博士博王文

羅道綜少爲太學生勤於學業高宗末爲太學博士褚無量字弘度杭州鹽官人尤精三禮及史記中宗朝累除國子博士遷司業兼脩文館學士以母老請停官歸侍玄宗在東宮召拜國子司業兼皇太子侍讀及卽位兼遷國子祭酒

冊府元龜學教部 選任 卷之五百九十七 二十二

歸崇敏字正禮蘄州吳人天寶初以經業擢第授四門助教轉博士司業德宗建中初又拜國子司業馬伋京兆人少有經學累登五經秀才及博士三史科德宗貞元中爲皇太子及諸王侍讀憲宗元和初拜國子祭酒後爲散騎常侍復領太學

史迴文宗太和初爲四門館助教四年閏十二月國子監以迴及處士成子野蓋繇庚梁德方前越州奉軍疆嘉徵等皆通經術准長慶元年赦書節文得以薦聞請勅所在州府給將服許傳遞至都與太學諸生講訖仍乞委中書門下更加搜訪如有此比准錄

赴廷從之

周田敏初仕漢乾祐中爲戶部侍郎兼國子祭酒時
桑維翰執政時或有不悅敏者言未有學官兼丞郎
者又言敏長于經義唯學官最稱職維翰乃去戶部
侍郎祇爲祭酒加簡較右僕射尋而復除右丞兼判
國學

世業

自夫子之以詩禮授伯魚而有趨庭之訓其後漢武
表章六經始立博士開弟子員設科射策勸以官祿
學者寢盛益獲利之使然爾故有父子講習以著專

冊府元龜

學校部

卷之五百九十七

二十三

門之稱世家祖述以成傳業之美莫不達章句之要
精詁訓之說克續前緒見推當時以至歷世祚之遐
邇不墜其素風誨生徒以蕃熾益廣乎遺教名家獨
出蔚爲儒宗稽古擅譽以階榮爵蓋韋賢有言斤廩
金之非寶夏侯立論謂朱紫之可拾斯不誣矣

漢孔光字子夏

孔子十四世之孫

孔子生伯魚

鯉

字伯魚先言其字者孔子

鯉生子思伋伊生子上白

目謂諸系示尊其先也
白生子家求求生子真箕箕生子高穿穿生順順爲
魏相順生鮒鮒爲陳涉博士死陳下鮒弟襄爲孝惠
博士長沙太傅襄生忠忠生武及安國武生延年延

年生霸字次儒霸生光馬安國延年皆以治尚書爲
武帝博士安國至臨淮太守霸亦治尚書光位至丞
相

士孫張字仲方受易於五鹿充宗官至給事家世傳
業

兒寬受尚書於孔安國而歐陽大小夏侯氏學皆出
於寬寬授歐陽生子世世相傳至曾孫高子陽爲博
士

名高字子陽

高孫地餘長賓以太子中庶子授太子後

爲博士論石渠地餘少子改爲王莽講學大夫繇是
尚書世有國氏學寬位至御史大夫

冊府元龜

學校部

卷之五百九十七

二十四

韓嬰孫商宣帝時爲博士涿郡韓生其後也以易徵
符詔殿中日所授易卽先太傅所傳也嘗受韓詩不
如韓氏易渾

滿昌字君都通詩禮爲詹事家世傳業

瑕丘公受穀梁春秋及諸於魯申公傳至子孫爲博
士

徐良字遊卿受大戴禮爲博士家世傳業

夏侯勝其先夏侯都尉從濟南張受尚書以傳族子
始昌始昌傳勝勝又事同郡簡卿見寬門人勝傳從
兄子建繇是尚書有大小夏侯之學勝位至太子太